



Samtök sveitarfélaga
á höfuðborgarsvæðinu

	Hafnarfjarðarbær
Innk:	10/7 2014
Málsnr:	120252
Bréfal:	551

Bæjarráð Hafnarfjarðar
Strandgötu 6
220 Hafnarfjörður

Kópavogi 7. júlí 2014

Varðar: Tillögur stýrihóps um endurskoðun á vatnsvernd á höfuðborgarsvæðinu

Stýrihópur um endurskoðun vatnsverndar á höfuðborgarsvæðinu hefur haldið utan um verkefnið frá því að stjórn SSH óskaði eftir því við sveitarfélögin að svo yrði í lok árs 2011.

Hópurinn skipa nú eftirtaldir:

Steingrímur Hauksson
Eysteinn Haraldsson
Árný Sigurðardóttir
Jóhanna B. Hansen
Gísli Hermannsson
Sigurður Haraldsson

Kópavogi
Garðabæ
Reykjavíkurborg
Mosfellsbæ
Seltjarnarnesi
Hafnarfirði

Ráðgjafar við endurskoðun vatnsverndar á höfuðborgarsvæðinu eru Verkfræðistofan Vatnaskil og Mannvit hf. Tillögur að endurskoðuðum vatnsverndarsvæðum byggja á niðurstöðum líkanreikninga og greiningu Vatnaskila. Þó að verkefnið falli ekki að lögum um umhverfismat áætlaða þá hefur því verklagi verið fylgt. Verkefnislýsing var kynnt í lok árs 2013 og voru niðurstöður Vatnaskila kynntar ásamt öðrum kostum sem tillögur á vinnslustigi í apríl 2014. Í báðum tilvikum gafst umsagnar- og hagsmunaaðilum kostur á að koma athugasemdum og ábendingum á framfæri.

Við mótun tilagnanna hefur verið haft viðtækt samráð við sveitarstjórnir og heilbrigðisnefndir. Frumniðurstöður verkefnisins voru kynntar í tvígang fyrir fulltrúaráði SSH. Haldnir voru sérstakir fundir með heilbrigðisnefndum og sveitarfélögum. Endurskoðun heilbrigðissamþykktar hefur verið í höndum Framkvæmdastjórnar um vatnsvernd á höfuðborgarsvæðinu, sem í sitja framkvæmdastjórar heilbrigðiseftirlita.

Stýrihópurinn hefur fjallað um tillögurnar eftir að þær voru kynntar og farið yfir viðbrögð við athugasemdum. Að mati hópsins er mikilvægt að fylgja eftir þeirri heildstæðu sýn sem náðst hefur og tryggja að íbúar höfuðborgarsvæðisins hafi aðgang að hreinu grunnvatni til vatnstöku sem ekki þarfnast sérstakrar meðhöndlunar til neyslu. Því er mikilvægt að öll vatnsbólín og verndarsvæði þeirra séu skilgreind með sama hætti. Hópurinn leggur áherslu á að sátt ríki um aðferðafræðina og nauðsyn þess að viðhalda rennislíkaninu til að hægt verði að fylgjast með þróun komandi ára og treysta þekkingargrunninn enn frekar. Einnig vill hópurinn leggja áherslu á að mikilvægt sé að niðurstaða

vatnsverndar skili sér í tillögu að nýju svæðisskipulagi höfuðborgarsvæðis, því er mikilvægt að ljúka verkefninu sem fyrst og auglýsa tillögurnar. Hópurinn leggur því til að:

- Sveitarstjórnir og heilbrigðisnefndir á höfuðborgarsvæðinu samþykki að auglýsa meðfylgjandi tillögur að mörkum vatnsverndarsvæða og endurskoðaðri heilbrigðissamþykkt.
- Gildistaka á breyttum svæðum í Mosfellsdal verði þremur árum eftir staðfestingu og Mosfellsbæ verði þannig veitt nauðsynlegt svigrúm til að vinna viðbótarathuganir sem varða framtíðar vatnstöku sveitarfélagsins og ákvörðun um hvort vatnstöku verði framhaldið þar eftir þrjú ár, og þá hvort viðbótarathuganir leiði til nauðsynlegra breytinga á afmörkun vatnsverndarsvæða byggt á aðferðarfræði heildarendurskoðunar vatnsverndar.
- Formleg vatnsvernd í Fagradal er á forræði Grindavíkurbæjar. Tillaga að nauðsynlegum verndarsvæðum fyrir nýtt vatnsból þar, sem birtist í greinargerðinni, verði nýtt sem grunnur í samningum Hafnarfjarðarbæjar og Grindavíkurbæjar um vatnstöku og vatnsvernd.

Tillögunum fylgir ítarleg greinargerð þar sem niðurstöðum vinnunnar og þeim kostum sem voru til skoðunar eru gerð skil ásamt umhverfismati.

Eftirfarandi málgögn eru aðgengileg á vef SSH, www.ssh.is/til-kynningar/vatnsvernd

- Tillaga að afmörkun verndarsvæða vatnsbóla innan lögsagnarumdæma Mosfellsbæjar, Reykjavíkur, Seltjarnarness, Kópavogs, Garðabæjar og Hafnarfjarðar.
- Tillaga að samþykkt um verndarsvæða vatnsbóla innan lögsagnarumdæma Mosfellsbæjar, Reykjavíkur, Seltjarnarness, Kópavogs, Garðabæjar og Hafnarfjarðar.
- Greinargerð um heildarendurskoðun.

Við hjá SSH er reiðubúin að kynna verkefnið og niðurstöðuna fyrir sveitarstjórnnum og heilbrigðisnefndum áður en ákvörðun er tekin. Vinsamlegast hafið samband á ssh@ssh.is til að finna hentugan tíma.

Óskað er eftir því að afgreiðsla sveitarstjórna og heilbrigðisnefnda liggi fyrir 15. september.

Fyrir hönd stýrihóps,



Hrafnkell Á. Proppé